

四庫全書

集部

欽定四庫全書

絕妙好詞箋卷三

宋 周密 原輯

宛平查為仁

錢塘厲 鶚同箋

劉克莊

克莊字潛夫號後邨莆田人以蔭仕淳佑中賜同進士出身官至龍圖閣直學士有後村別調一卷

摸魚兒

海棠棠

甚春來冷煙淒雨朝朝遲了芳信
驀然作暖晴三日又

覺萬姝嬌困天怎忍潘令老不成也沒看花分才情減
盡悵玉局飛仙石湖絕筆辜負這風韻傾城色懊惱
佳人薄命牆頭岑寂誰問東風日莫無聊賴吹得燕支
成粉君細認花共酒古來二事天尤吝年光去迅漫綠
葉成陰青苔滿地做取異時恨

卜算子

海棠為風
雨所損

片片蝶衣輕點點猩紅小道是天工不惜花百種千般
巧朝見樹頭繁莫見枝頭少道是天工果惜花雨洗

風吹了

清平樂

項在維揚陳師文參議家舞姬絕妙為賦此

宮腰束素只怕能輕舉好築避風臺護取莫遣驚鴻飛去
一團香玉溫柔笑顰俱有風流貪與蕭郎眉語不
知舞錯伊州

生查子

燈夕戲陳敬叟

繁燈奪霽華戲鼓侵明滅物色舊時同情味中年別
淺畫鏡中眉深拜樓中月人散市聲收漸入愁時節

花菴絕妙詞選云陳以莊名敬叟號月溪建安人
劉後村陳敬叟集序云敬叟詩才氣清拔力量宏
放為人曠達如列禦寇莊周飲酒如阮嗣宗李太
白筆札如谷子雲草隸如張顛李潮樂府如溫飛
卿韓致光余每歎其所長非復一事為穀城黃子
厚之甥故其詩酷似云

詞旨警句貪與蕭郎眉語不知舞錯伊州清平樂
瀛奎律髓注寶慶初史彌遠廢立之際錢唐書
肆陳起宗之能詩凡江湖詩人俱與之善刊江
湖集以售劉潛夫南岳叢與焉宗之賦詩有云
秋雨梧桐皇子府春風楊柳相公橋本改劉屏
山句也或嫁秋雨春風之句為教器之所作言
者併梅詩論列劈江湖集板二人皆坐罪初彌
遠議下大理逮治鄭丞相清之在瑣闥白彌遠
中輟而宗之坐流配於是詔禁士大夫作詩如
孫花翁之徒改業為長短句紹定癸巳彌遠死

詩禁解潛夫為訪梅絕句云夢得因桃却左遷長
源為柳忤當權幸然不識桃併李也被梅花累
十年此可備梅花大公案也

吳潛

潛字毅夫號履齋寧國人嘉定十年進士第一淳
佑中觀文殿大學士封慶國公改封許國公景定
初安置循州卒贈少
師有履齋詩餘三卷

滿江紅

金陵烏衣園

柳帶榆錢又還過清明寒食天一笑滿園羅綺滿城簫
笛花樹得晴紅欲染遠山過雨青如滴問江南池館有

誰來江南客 烏衣巷今猶昔烏衣事今難覓但年年
燕子晚煙斜日抖擻一春塵土債悲涼萬古英雄迹且
芳樽隨分趁芳時休虛擲

景定建康志云烏衣園在城南二里烏衣巷之東
一堂扁曰來燕歲久傾圮咸淳二年馬公光祖撤
而新之堂後植桂亭曰綠玉香中梅花彌望堂曰
百花頭上其餘亭館曰更履曰穎立曰長春曰望
岑曰挹華曰更好左右位置森列佳花美木芳蔭
蔽虧非復曩時寒煙衰草之陋矣

南柯子

池水凝新碧蘭花駐老紅有人獨倚畫橋東手把一枝

楊柳繫春風
鵲絆游絲墜蜂粘落蕊空鞦韆庭院小
蕉櫳多少閒情閒緒雨聲中

景定建康志吳潛雨花臺再用前韻滿江紅云
瑪瑙岡頭左釀酒右持螯食懷舊處磨東冶劍
弄青溪笛望裏尚嫌山是障醉中要捲江無滴
這一堆心事總成灰蒼波客歎俛仰成今昔愁
易攬歡難覓正平蕪遠樹落霞殘日自笑頻招
猿鶴怨相期蚤混漁樵跡把是非得失與榮枯
虛空擲

開慶四明續志吳潛永遇樂己未元夕云祝告
天公放燈時節且收今雨萬戶千門六街三市
綻水晶雲母香車寶馬珠簾翠幙不怕禁更鼓
五瓊裳曲驚回好夢誤遊紫宮朱府沈思舊日
京華風景迢曉猶聽戲鼓分鏡圓時斷釵合處

倩笑歌與舞如今閒院蜂殘蛾褪消夜果邊自
語虧人殺去聲梅花紙帳權將睡補滿江紅戊午
二月十七日四明憲賦云芳景無多又還是亂
紅飛墜空悵望昭亭深處家山桃李柳眼花心
都脫換蜂鬚蜨翅難沾縱謾相攜一笑競良辰
春醪美金獸熬香風細金鳳拍歌雲膩儘秦簫
燕管但逢場爾只恐思鄉情味惡怎禁寒食清
明裏問此翁不止四宜休翁歸未

豹隱紀談徐參政清叟微時贈建寧妓唐玉詩
云上國新行巧樣花一枝聊插鬢雲斜嬌羞未
肯從郎意故把芳容故故遮吳履齋丞相和以
賀新郎詞云可意人如玉小簾櫳輕勻淡抹道
家妝束長恨春歸無尋處全在波明黛綠看冶
葉倡條渾俗比似江梅清有韻更臨風對月斜
依竹看不足詠不足曲屏半掩春山簇正輕寒
夜深花睡半歌殘燭縹緲九霞光裡夢香在衣

裳賸馥又只恐銅壺聲促試問送人歸去後對
一奩花影垂金粟腸易斷恨難續

至元嘉禾志吳潛水調歌頭題煙雨樓云有客
抱幽獨高立萬人頭東湖千頃煙雨占斷幾春
秋自有茂林修竹不用買花沽酒此樂若為酬
秋到天空濶浩氣與雲浮歎吾曹緣五斗尚遲
留練江亭下長憶聞了釣魚舟矧更飄搖身世
又更奔騰歲月辛苦復何求咫尺桃源隔他日

擬重遊

齊東野語朔齋劉震孫知宛陵毅夫丞相方閒

居劉日陪午橋之游後以召還吳錢之郊外劉
賦摸魚兒詞為別末云怕綠野堂邊劉郎去後

誰伴老裴度毅夫為之揮淚繼遣一介追和此
詞并侑以小奩啓之精金百星也前輩憐才賞

此音如

尹煥

煥字惟曉山陰人嘉定十年進士自畿漕除右司郎官有梅津集

霓裳中序第一

茉莉

青顰粲素靨海國仙人偏耐熱餐盡香風露屑便萬里
凌空肯憑蓮葉盈盈步月悄似憐輕去瑤闕人何在憶
渠癡小點點愛輕攏愁絕舊游輕別忍重看鎖香金
篋淒涼今夜簟席怕杳杳詩魂真化風蝶冷香清到骨
夢十里梅花霽雪歸來也厭厭心事自共素娥說

全芳備祖云素馨花舊名那悉茗一名野悉茗昔
劉鋹有侍女名素馨冢上生此花因以得名尹梅
津霓裳中序
第一云云

眼兒媚

垂楊裊裊蘸清漪
明綠染春絲
市橋繫馬旗亭沽酒無
限相思
雲梳雨洗風前舞
一好百般宜
不知為甚落花時
節都是顰眉

唐多令

茗溪有牧
之之感

蘋末轉清商
溪聲供夕涼
緩傳盃催喚紅妝
慢綰烏雲

新浴罷拂拂地水沈香 歌短舊情長重來驚鬢霜悵

綠陰青子成雙說著前歡佯不保颺蓮子打鴛鴦

齊東野語云尹梅津未第時薄游苕霅籍中適有所盼後十年問訊舊遊則久為宗子所據且育子而猶挂名籍中於是假之郡將久而始來顏色瘁軀不足膏沐相對若不勝情梅津為賦唐多令云

吳文英夢窻甲篆水龍吟壽尹梅津云望春樓外滄波舊年照眼青銅鏡煉成寶月飛來天上

銀河流影紺玉鈎簾處橫屏塵天香分鼎記殷雲殿瓊栽花剪露曲江畔春風勁槐省紅塵晝

靜午朝回吟生晚興春霖繡筆鶯邊清曉金猊旋整閨苑芝生貌生綃對綠窻深景弄瓊英數

點宮梅信早
占年光永

趙以夫

以夫字用父號虛齋福之長樂人嘉定中正奏名
歷知邵武軍漳州皆有治績嘉熙中為樞密都承
旨二年拜同知樞密院事淳祐初罷尋加資政殿
學士進吏部尚書兼侍讀詔與劉克莊同纂修國
史

憶舊遊慢

荷花

望紅渠影裏冉冉斜陽十里沙平喚起江湖夢向沙鷗
住處細說前盟水鄉六月無暑寒玉散清冰笑老去心
情也將醉眼鎮為花青 亭亭步明鏡似月浸華清人

在秋庭照夜銀河落想粉香溼露恩澤親承十洲縹緲
何許風引綵舟行尚憶得西施餘情裊裊水汀

虛齋樂府徵詔咏雪云玉壺凍裂琅玕折駸駸
逼人衣袂暖絮張空飛失前山橫翠欲低還起
似妝點滿園春意記憶當時刻中情味一溪雲
水天際絕行人高吟處依稀灞橋隣里更剪剪
梅花落雲階月地化工真解事強勾引老來詩
思楚天暮驛使不來悵曲闌獨倚

姚鏞

鏞字希聲號雪篷剡溪人贛州守有雪篷集一卷
則錄云姚鏞嘉定十年吳潛榜進士

謁金門

吟院靜遲日自行花影薰透水沈雲滿鼎晚妝窺露井
飛絮游絲無定誤了鶯鶯相等欲喚海棠教睡醒奈
何春不肯

羅椅

椅字子遠號礪谷癸辛雜識云羅椅廬陵人富家
子壯年捐金結客後為鏡雙峯高弟又以薦登賈
師憲之門丙辰第進士以秉義郎為江陵教改潭
教及宰贛之信豐遷提轄權貨度宗升遐失於入
臨論罷

寶祐四年登科錄第二甲第三十人羅椅字子遠
小名天驥第七十一永感下年四十三十二月十
五日寅時生外氏孫治賦四舉娶劉氏曾祖上達

祖維翰宣政郎父沂宣義郎本貫吉州廬陵縣化仁鄉祖為戶

柳梢青

萼綠華身小桃花扇安石榴裙子野聞歌周郎顧曲曾
惱夫君悠悠羈旅愁人似零落青天斷雲何處銷魂
初三夜月第四橋春

詞旨

警句何處銷魂初三夜月第四橋春柳梢青

翰墨全書羅椅八聲甘州孤山有感云甚匆匆

歲月又人家插柳記清明政南北高峯風傳笑
響如泛簫聲吹散樓臺煙雨鶯語諳也春晴何
所無芳草惟此青青誰管孤山山下任種梅月
冷薦菊泉清看人情如此沈醉不須醒問何時

樊川歸去嘆故鄉七十五長亭君知否洞雲溪
月笑我飄零

方岳

岳字巨山號秋崖祁門人紹定五年進士兩為文
學掌故官中秘書出守袁州有秋崖先生詞藁

江神子

壯丹

窻綃深掩護芳塵翠眉顰越精神幾雨幾晴做得這些
春切莫近前輕著語題品錯怕花嗔碧壺難貯玉粼
粼碎香茵晚風頻吹得酒痕如洗一番新只恨謫仙渾
嬾事辜負却倚闌人

秋崖詞藁滿江紅九日登冶城樓云且問黃花
陶令後幾番重九應解笑秋崖人老不堪詩酒
宇宙一舟吾倦矣山河兩戒君知否倚西風無
奈細花寒虬龍吼江欲醺談天口秋何負持螯
手儘石麟蕪沒斷煙衰柳故國山圍青玉案何
人印佩黃金斗倘只消江左管夷吾終須有

楊伯岳

伯岳字彥瞻號泳齋楊和王諸孫居臨安淳祐間
除工部郎出守衢州錢唐薛尚功之外孫升陽周
公謹之外舅也有六帖補二
十卷九經補韻一卷行世

踏莎行

雪中疎寮借閣帖
更以薇露送之

梅觀初花蕙庭殘葉當時慣聽山陰雪東風吹夢到清

都今年雪比年前別 重釀宮醪雙鉤官帖伴翁一笑
成三絕夜深何用對青藜窗前一片蓬萊月

法帖譜系云熙陵以武定四方載橐弓矢文治之餘留意翰墨乃出御府歷代所藏真蹟命侍書王著摹勒刻板禁中釐為十卷此歷代法帖之祖格古要論云太宗搜訪古人真蹟於淳化中命侍書王著摹勒作十卷用棗木板刻置祕閣上有銀錠紋用澄心堂紙李庭珪墨拓打以手楷之墨不汚手親王大臣各賜一本人間罕得讀書附志云淳熙祕閣續法帖十卷淳熙十二年

三月十九日奉聖旨摹勒鍾繇諸人帖武林舊事云諸色名酒薔薇露流香並御庫

中興館閣續錄云高似孫字續古鄞縣人淳熙十一年進士慶元五年十月除秘書省校書郎六年

二月通判徽州

卷三

周晉

晉字明叔

號嘯齋

點絳脣

訪年存叟
南湖釣隱

午夢初回捲簾盡放春愁去畫長無侶自對黃鸝語
絮影蘋香春在無人處移舟去未成新句一研梨花雨

癸辛雜識云年端明園本郡志南園後歸李寶謨
其後又歸年存齋園中有碩果軒大梨一株元祐
學堂芳菲二亭萬鶴亭茶蘼雙李亭梓舫齋岷城
一畝宮前枕大溪曰南湖小隱吳興掌故集云年

子才字存叟其先井研人愛吳興山水清遠因家湖州之南門

清平樂

圖書一室香暖垂簾密花滿翠壺薰研席睡覺滿窗晴
日手寒不了殘碁簫香細勘唐碑無酒無詩情緒欲
梅欲雪天時

珊瑚網郭畀手書此詞跋云大德十一年歲丁未十月初十日客寓燕山奔走暮歸黃塵滿面
挑燈讀此詞一過想
像江南如夢中也

柳梢青

楊花

似霧中花似風前雪似雨餘雲本自無情點萍成綠却
又多情 西湖南陌東城甚管定年年送春薄倖東風
薄情遊子薄命佳人

楊 纘

纘字繼翁嚴陵人居錢唐寧宗楊后兄次山之孫
號守齋又號紫霞翁圖繪寶鑑云度宗朝女為淑
妃官列御好古博雅善琴有紫霞洞譜傳世時作
墨竹

八 六 子

牡丹次
白雲韻

怨殘紅夜來無賴雨催春去怱怱但暗水新流芳恨遶

淒蜂慘千林嫩綠迷空那知國色還逢柔弱華清扶倦
輕盈洛浦臨風細認得凝妝點脂勻粉露蟬聳翠蕊
金團玉成叢幾許愁隨笑解一聲歌轉春融眼朦朧凭
闌干半醒醉中

一枝春

除夕

竹爆驚春競喧填夜起千門簫鼓流蘇帳暖翠鼎緩騰
香霧停杯未舉奈剛要送年新句應自有歌字清圓未
誇上林鶯語從他歲窮日莫縱閒愁怎減劉郎風度

屠蘇辦了迤邐柳欺梅妬宮壺未曉早騎馬繡車盈路
還又把月夜花朝自今細數

武林舊事云守歲之詞雖多極難其選獨守齋一枝春最為近世所稱

被花惱

自度腔

疎疎宿雨釀寒輕簾幙靜垂清曉寶鴨微溫瑞煙少簷
聲不動春禽對語夢怯頻驚覺敲珀枕倚銀牀半窻花
影明東照惆悵夜來風生怕嬌香混瑤草披衣便起
小徑回廊處處多行到正千紅萬紫競芳妍又還似年

時被花惱，驚忽地省得而今雙鬢老。

詞旨詞眼
蝶淒蜂慘

翁孟寅

孟寅字賓陽，號五峰錢。唐人四朝聞見錄云：翁孟寅，其先本建之崇安人，祖中丞彥國，偽楚張邦昌僭帝時，嘗提兵勤王，為李丞相綱之亞父。謙之進士，孟寅首登臨安鄉書。

齊天樂

元夕

紅香十里銅駝夢，如今舊遊重省。節序飄零，歡娛老大，慵立燈光蟾影。傷心對景，怕回首東風，雨晴難準。曲巷

幽坊管絃一片笑相近 飛棚浮動翠葆看金釵半溜
春爐紅粉鳳輦鰲山雲收霧斂迤邐銅壺漏迴霜風漸
緊展一幅青綃爭懸孤鏡帶醉扶歸曉醒春夢穩

燭影搖紅

樓倚春城瑣窻曾共巢春燕人生好夢逐春風不似楊
花健舊事如天漸遠奈晴絲牽愁未斷鏡塵埋恨帶粉
樓香曲屏寒淺 環珮空歸故園羞見桃花面輕煙殘
照下欄杆獨自疎簾捲一信狂風又晚海棠花隨風滿

院亂鴉歸後杜宇啼時一聲聲怨

阮郎歸

月高樓外柳花明單衣怯露零小橋燈影落殘星寒煙
蘸水萍歌袖窄舞環輕梨花夢滿城落紅啼鳥兩無
情春愁添曉醒

吳文英夢窓乙藁江神子送翁五峯自鶴江還
都云西風一葉送行舟淺遲留艤汀洲新浴紅
衣綠水帶香流應是離宮城外晚人竚立小簾
鉤新歸重省別來愁黛眉頭半痕秋天上人間
斜月綉針樓湖浪莫迷
花蝶夢江上約負輕鷗

趙汝芑

汝芑字參晦號霞山宋史宗室世系表商王元份八世孫善官子

梅花引

對花時節不曾歡見花殘任花殘小約簾櫳一面受春
寒題破玉楸雙喜鵲香燼冷遶雲屏渾是山待眠未
眠事萬千也問天也恨天髻兒半偏繡裙兒寬了又寬
自取紅氍重坐暖金船惟有月知君去處今夜月照秦
樓第幾間

夢江南

簾不捲細雨熟櫻桃數點霽霞天又曉一痕涼月酒初
消風緊絮花高蕭閒處磨盡少年豪昨夢醉來騎白
鹿滿湖春水段家橋濯髮聽吹簫

戀繡衾

柳絲空有萬千條繫不住溪頭畫橈想今宵也對新月
過輕寒何處小橋玉簫臺榭春多少溜啼痕盈臉未
消怪別來燕支慵傅被春風偷在杏梢

漢宮春

著破荷衣笑西風吹我又落西湖湖間舊時飲者今與
誰俱山山映帶似攜來畫卷重舒三十里芙蓉步障依
然紅翠相扶 一目清無留處任屋浮天上身集空虛
殘燒夕陽過雁點點疎疎故人老大好襟懷消減全無
漫贏得秋聲兩耳冷泉亭下騎驢

如夢令

小研紅綾牋紙一字一行春淚封了更親題題了又還

拆起歸未歸未好箇瘦人天氣

詞旨警句怪別來臙脂慵傅被東風偷在杏梢
繡食

馮去非

去非字可遷號深居南康都昌人淳祐元年進士
幹辦淮東轉運司寶祐四年召為宗學諭

喜遷鶯

涼生遙渚正綠菱擎霜黃花招雨鴈外漁燈蜚邊蟹舍
絳葉表秋來路世事不離雙鬢遠夢偏欺孤旅送望眼
但憑舷微笑書空無語 慵看清鏡裏十載征塵長把

朱顏污借箸清油揮毫紫塞舊事不堪重舉間濶故山
猿鶴冷落同盟鷗鷺倦遊也便檣雲拖月浩歌歸去

吳文英夢窻丙藁燭影搖紅錢馮深居翼日深
居初度云飛蓋西園晚秋恰勝春天氣霜花開
盡錦屏空紅葉新裝縱時放清杯泛水暗淒涼
東風舊事夜吟不就松影闌干月籠寒翠莫唱
陽關但憑綵袖歌千歲秋星入夢隔明朝十載
吳宮會一棹回潮渡葦正西窻燈花報喜柳蠻
櫻素試酒爭
憐不教不醉

許棐

棐字忱夫海鹽人嘉熙中隱居秦溪於水南種梅
數十樹自號梅屋室中懸白香山蘇東坡二像事

之人有奇編見無不錄以故環室皆書著有獻醜
集一卷梅屋藁三卷融春小綴一卷樵談一卷梅

屋詩餘

一卷

鷓鴣天

翠鳳金鸞繡欲成
沈香亭下欸新晴
綠隨楊柳陰邊去
紅踏桃花片上行
鶯意緒蝶心情
一時分付小銀箏
歸來玉醉花柔困
月瀉紗窻約半更

琴調相思引

組繡盈箱錦滿機
倩人縫作護花衣
恐花飛去無復上

芳枝已恨遠山迷望眼不須更畫遠山眉正無聊賴
雨外一鳩啼

後庭花

一春不識西湖面翠羞紅倦雨窗和淚搖湘管意長牋
短知心惟有雕梁燕自來相伴東風不管琵琶怨落
花吹遍

梅屋詩餘滿宮春云嬾搏香慵弄粉猶帶淺醺
微困金鞍何處掠新歡倩燕鶯尋問柳供愁花
獻恨哀絮獵紅成陳碧樓能有幾番春又是一
番春盡虞美人云杏花窻底人中酒花與人相

守簾衣不肯護春寒一聲嬌嚏兩眉攢擁衾眠
明朝又有秋千約恐未快梳掠倩誰傳語畫樓
風畧吹絲雨濕春紅絆遊蹤山花子云按柳揉
花旋染衣絲絲紅翠撲春輝羅綺叢中無此豔
小西施腰細最便圍舞怕袖寒時復罩香匣誤
點一痕殘粉淚怕人知

陸叡

叡字景思號雲西會稽人會稽續志進士表紹定
五年徐元杰榜陸叡佃五世孫景定建康志陸叡
淳祐中沿江制置使參議除禮部員外崇政殿說
書

瑞鶴仙

溼雲黏鴈影望征路愁迷離緒難整千金買光景但疎

鐘催曉亂鴉啼暝花悰暗省許多情相逢夢境便行雲
都不歸來也合寄將音信孤迴盟鸞心在跨鶴程高
後期無準情絲待剪翻惹得舊時恨怕天教何處參差
雙燕還染殘朱剩粉對菱花與說相思看誰瘦損

詞旨警句對菱花與說
相思看誰瘦損

瑞鶴仙

蕭泰來

泰來字則陽號小山臨江人紹定二年進士有小
山集癸辛雜志云泰來理宗朝為御史附謝丞相
為右司李伯玉所劾姚
希得指為小人之宗

霜天曉角

梅

千霜萬雪受盡寒磨折賴是生來瘦硬渾不怕角吹徹
清絕影也別知心惟有月元沒春風情性如何共海

棠說

庶齋老學叢談云此作與王瓦全梅詞命意措詞
畧相似

詞首警句清絕影也別
知心惟有月霜天曉角

趙希邁

希邁字端行詞本作端行誤號西里永嘉人宋史
宗室世系表燕王德昭九世孫師僚第三子續文

獻通考云趙希邁著
有西里稿高疎寮跋

八聲甘州

竹西懷古

寒雲飛萬里一番秋一番攪離懷向隋堤躍馬前時柳
色今度蒿萊錦纜殘香在否枉被白鷗猜千古揚州夢
一覺庭槐歌吹竹西難問拚菊邊醉著吟寄天涯任
紅樓踪跡茅屋染蒼苔幾傷心橋東片月趁夜潮流恨
入秦淮潮回處引西風恨又渡江來

詩話總龜云蜀岡者維揚之地也蜀岡之南有竹
西亭修竹疎翠後即禪智寺也取杜牧之斜陽竹

西路歌吹是揚州自蜀岡以南景氣頓異北風至此遂絕

葛洞江都志云竹西亭在城北五里禪智寺側向子固易曰歌吹經紹興兵火周濬重建復舊名

趙宗礪

宗礪字漢宗號白雲南豐人嘉定十六年進士授石城令改淳安嘗上疏極論儲嗣未定及宗人專橫官至大宗丞有白雲稿宋史宗室世系表商王元份九世孫汝悉長子

蝶戀花

一剪微寒禁翠袂花下重開舊燕新添壘風旋落紅香
匝地海棠枝上鶯飛起薄霧籠春天欲醉碧草澄波

的的情如水料想紅樓挑錦字輕雲淡月人憔悴

菩薩蠻

桃花相向東風笑桃花忍放東風老細草碧如煙薄寒
輕暖天折釵鸞作股鏡裏參差舞破碎玉連環捲簾
春睡殘

趙希彭

一作
觀

希彭字清中號十洲四明人宋史宗室世系表
燕王九世孫師鄭長子延祐四明志寶慶二年王

會龍榜

進士

霜天曉角

桂

姮娥戲劇手種長生粒寶幹婆娑千古飄芳吹滿虛碧
韻色檀露滴人間秋第一金粟如來境界誰移在小
亭側

秋蕊香

髻穩冠宜翡翠壓鬢綵絲金蕊遠山碧淺蘸秋水香煖
榴裙襯地 寧寧二八餘年紀惱春意玉雲凝重步塵
細獨立花陰寶砌

王澡

澡字身甫號瓦全庶齋老學叢談云澡四明人有瓦全集文獻通考王澡寧海人太常博士初名津

字子

知

霜天曉角

梅

疎明瘦直不受東皇識留與伴春應肯千紅底怎著得
夜色何處笛曉寒無奈力飛入壽陽宮裏一點點有

人惜

方岳深雪偶談云太常博士瓦全王先生有落梅
小詞云云劉公潛夫已附于後村集詩話中予亦

僭附之拙橐雖然先生文行表表一詞固何足為先生軒輊也予少時即登門以先公同生丙戌且相友善之故遂辱撰先公墓銘誌中有文不逮岳而岳強以銘之語當知前輩獎掖後進有如此也

趙與鉞

詞本誤作銜

與鉞字慶御號崑崙宋史宗室世系表燕王十世孫希沂第三子

謁金門

歸去去風急蘭舟不住夢裏海棠花下語醒來無覓處

薄倖心情似絮長是輕分輕聚待得來時春幾許綠陰

三月莫

樓槃

槃字考甫

號曲澗

霜天曉角

梅

月淡風輕黃昏未是清吟到十分清處也不啻二三更
曉鐘天未明曉霜人未行只有城頭殘角說得盡我
平生

又

剪雪裁冰有人嫌太清又有人嫌太瘦都不是我知音

誰是我知音孤山人姓林一自西湖別後辜負我到如今

鍾過

過字改之號梅心廬陵人
中寶祐三年乙卯解試

步蟾宮

東風又送酴醿信
蚤吹得愁成潘鬢
花開猶似十年前
人不似十年前俊
水邊珠翠香成陣
也消得燕窺鶯
認歸來沈醉月朦朧
覺花氣滿襟猶潤

詞旨警句
花開猶似十年前人不似十年前俊步

端官

詞眼燕

窺鶯認

李肩吾

肩吾字子我號蟾洲眉州人精六書之學嘗著字通為魏鶴山之客虞集字通序云李君在魏文靖公門下有師友之道焉

撾毬樂

風冒薰紅雨易晴病花中酒過清明綺窻幽夢亂於柳
羅袖淚痕凝似飴冷地思量著春色三停早二停

風流子

雙燕立虹梁東風外煙雨濕流光望芳草雲連怕經南
浦葡萄波漲怎博西涼空記省殘妝眉暈斂眉袖墜痕
香春滿綺羅小鶯捎蝶夜留絃索么鳳求凰江湖飄

零久頻回首無奈觸緒難忘誰信溫柔牢落翻墮愁鄉

便

別本作
使非

玉箋銅爵花間陶寫瑤釵金鏡月底平章十

二主家樓苑應念蕭郎

清平樂

欽定四庫全書

絕妙好詞箋
卷三

二十四

美人嬌小鏡裏容顏好秀色侵人春帳曉郎去幾時重
到叮嚀記取兒家碧雲隱映紅霞直下小橋流水門
前一樹桃花

風入松

冬至

霜風連夜做冬晴曉日千門香葭暖透黃鍾管正玉臺
彩筆書雲竹外南枝意早數花開對清樽香閨女伴
笑輕盈倦繡停針花磚一線添紅景看從今迤邐新春
寒食相逢何處百單五箇黃昏

烏夜啼

徑蘚痕沿碧甃簷花影壓紅闌今年春事渾無幾游冶
嬾情慳舊夢鶯鶯沁水新愁燕燕長干重門十二簾
休捲三月尚春寒

清平樂

東風無用吹得愁眉重有意迎春無意送門外溼雲如
夢韶光九十慳慳俊遊回首關山燕子可憐人去海
棠不分春寒

欽定四庫全書

絕妙好詞箋
卷三

五

鷓鴣天

綠色吳箋覆古苔
濡毫重擬賦幽懷
杏花簾外鶯將老
楊柳樓前燕不來
倚玉枕墜瑤釵
午窗輕夢繞秦淮
玉鞭何處貪游冶
尋徧春風十二街

詞旨警句叮嚀記取兒家碧雲隱映紅霞直下小橋流水門前一樹桃花清平樂

黃簡

柯氏刊本作闌
高氏作蘭俱誤

簡一名居簡字元易號東浦文萃社虎邱志云黃居簡字元易建安人工詩嘉熙中卒通判翁逢龍葬之虎邱王鏊姑蘇志云漳潭陳氏北園范石湖書扁東浦黃簡為記即其人也

柳梢青

病酒心情喚愁無限可奈流鶯又是一年花驚寒食柳
認清明 天涯翠巘層層是多少長亭短亭倦倚東風
只憑好夢飛到銀屏

玉樓春

龜紋曉扇堆雲母日上綵闌新過雨眉心猶帶寶觥醒
耳性已通銀字譜 密奩綵索看看午暈素分紅能幾
許妝成按鏡問春風比似庭花誰解語

陳策

策字次賈號南墅上虞人以功授武階

摸魚兒

仲宣樓賦

倚危梯酹春懷古輕寒纔轉花信江城望極多愁思前
事惱人方寸湖海興算合付元龍舉白澆談吻憑高試
問問舊日王郎依劉有地何事賦幽憤沙頭路休記
家山遠近賓鴻一去無信滄波渺渺空歸夢門外北風
淒緊烏帽整便做得功名難綠星星鬢敲吟未穩又白

鷺飛來垂楊自舞誰與寄離恨

李曾伯可齋雜藁仲宣樓記畧云按江陵志樓名
昉於祥符復於紹興淳祐十年賣公似道為制置
使重新是樓夏六月易鎮全淮覃懷李某繼之如
前畫越半暮告成蜡月二十有五晷集賓校置
酒而落之又點絳唇餞陳次賈云嬾上巍樓楚江
一望天無際漫游萍寄莫挽東流水一片秋光直
到山陰里人還記戍邊歸未更憶鱸魚美又齊天
樂和陳次賈為壽韻云今年塞上秋來早昂街尚
餘芒曜舉目闕河驚心孤矢顧我豈堪戎燾幾番
鳳誥愧保障何功恩隆旒藻笑指呼鷹露花煙草
憶劉表頭顱如許相與歲寒猶賴有白髮公道對
月懷人臨風訪古往事淒涼難考何時是了莫馳
志伊吾貪名清廟松菊歸來稽山招此老按淳祐
中可齋為荊州閫帥次賈在賓幕相與倡和此詞

正作於仲宣樓落成之日也

江陵志餘云仲宣樓在城東南隅憑墉結構列榭
參差相傳後梁高季興所建望沙樓也陳亮佐鎮
荆乃易令名然登樓賦注言樓在江陵梁孝元出
江陵縣還詩朝出屠牛縣夕反仲宣樓先賢傳亦
云荊州有王粲宅則樓屬江陵亦自有據不必泥
指當陽襄陽為定案也

滿江紅

楊花

倦繡人間恨春去淺顰輕掠章臺路雪黏飛燕帶芹穿
幕委地身如遊子倦隨風命似佳人薄歎此花去後更
無花情懷惡 心下事誰堪託憐老大傷飄泊把前回

離恨暗中描摸又趁扁舟低欲去可憐世事今非昨看
等閑飛過女牆來鞦韆索

黃

易

高氏刊本
作晷誤

易字叔賜號玉林胡季直云玉林蚤棄科舉雅意
讀書吟咏自適游受齋稱其詩為晴空冰柱樓秋
房聞其與魏菊莊友善并以泉石清士目之有絕
妙詞選二十卷散花菴詞一卷

清平樂

宮詞

珠簾寂寂愁背銀釭泣記得少年初選入三十六宮第
一當時掌上承恩而今冷落長門又是羊車過也月

明花落黃昏

卷三

詞旨警句又是羊車過也月明花落黃昏清平樂
散花菴詞浪淘沙云秋色滿層霄翦翦寒颼一
襟殘照兩無聊數盡歸鴉人不見落木蕭蕭往
事欲魂消夢想風標春江綠漲水平橋側帽停
鞭沽酒處柳軟鶯嬌

李振祖

振祖號中山寶祐四年登科錄第四甲第十三人
李振祖字起翁第萬一慈侍下年四十六二月丁
酉日丑時生外氏趙一舉娶劉氏曾祖簡能御史
祖岐承義郎父寧本貫福州閩縣祖為戶

浪淘沙

春在畫橋西畫舫輕移粉香何處度連漪認得一船楊
柳外簾影垂垂誰倚碧闌低酒暈雙眉鴛鴦並浴燕
交飛一片閒情春水隔斜日人歸

薛夢桂

夢桂字叔載號梯廳永嘉人寶祐癸丑姚勉榜進
士嘗知福清縣四朝聞見錄云夢桂父公圭紹熙
五年上書光宗請建儲東嘉姓譜云薛夢桂仕至
平江倅

醉落魄

單衣乍著滯寒更傍東風作珠簾壓定銀鈎索雨弄新

晴輕旋玉塵落
花唇巧借妝紅
約嬌羞纔放三分
萼
樽前不用多評
泊春淺春深都向
杏梢覺

眼兒媚

綠牋

碧筒新展綠蕉芽
黃露灑榴花
蘸煙染就和雲捲起秋
水人家
只因一朵芙蓉月生
怕黛簾遮燕銜不去鴈
飛不到愁滿天涯

三姝媚

薔薇花謝去更無情
連夜送春風
雨燕子呢喃似念人

憔悴往來朱戶漲綠煙深早零落點池萍絮暗憶年華
羅帳分釵又驚春莫芳草淒迷征路待去也還將畫輪
留住縱使重來怕粉容銷膩却羞郎覷細數盟言猶在
悵青樓何處綰盡垂楊爭似相思寸縷

浣溪紗

柳映疎簾花映林春光一半幾銷魂新詩未了枕先溫
燕子說將千萬恨海棠開到二三分小窗銀燭又黃昏

昏

曾揆

揆字舜卿號
嬾翁南豐人

西江月

榴雨輕敲夜夜牆
雲低度朝朝日長
天氣已無聊
何況洞房人悄
眉共新荷不展
心隨垂柳頻搖
午眠彷彿見金翹
驚覺數聲啼鳥

絕妙好詞箋卷三

欽定四庫全書

集部
絕妙好詞箋卷五

詳校官中書_臣張姚成

侍讀_臣孫球覆勘

總校官檢討_臣何思鈞

校對官中書_臣高 中

謄錄監生_臣黃春暉

欽定四庫全書

絕妙好詞箋卷四

宋周密原輯

宛平查為仁

錢唐厲鶚同箋

吳文英

文英字君特號夢窗四明人從吳履齋諸公游有
夢窗甲乙丙丁葉
尹惟曉云求詞於吾宋前有清真後有夢窗此非
真之言天下之公言也
沈義甫云夢窗深得清真之妙其失在用事下語
太晦處人不可曉

張叔夏云吳夢窗如七寶樓臺眩人眼目折碎下來不成片段

八聲甘州

陪庾幕諸公
秋登靈岳

渺空煙四遠是何年青天墜長星幻蒼崖雲樹名娃金
屋殘霸宮城箭逕酸風射眼劒水染花腥時鞞雙鴛響
廊葉秋聲 宮裏吳王沉醉倩五湖倦客獨釣醒醒問
蒼波無語華髮奈山青水涵空閣凭高處送亂鷗斜日
落漁汀連呼酒上琴臺去秋與雲平

吳郡圖經續記云研石山在吳縣西二十一里越
絕書云吳人於研石山置館娃宮山頂有三池曰

月池曰研池曰玩花池蓋吳時所鑿也山上舊傳有琴臺又有響屧廊或曰鳴屐廊廊以梗楠藉地西子行則有聲故名嘗登臨岩之顛俯瞰具區漣漣浩渺一日千里而碧巖翠塢點綴於滄波之間誠絕景也或云晉陸抗捨宅為寺即靈巖寺也吳郡志云靈巖山前有采香徑橫斜如臥箭

聲聲慢

閨重九
飲郭園

檀藥金碧婀娜蓬萊游雲不蘸芳洲露柳霜蓮十分點
綴殘秋新彎畫眉未穩似含羞低度牆頭愁送遠駐西
臺車馬共惜臨流知道池亭多宴掩庭花長是驚落
秦謳膩粉闌干猶聞凭袖香留輸他翠連拍甃瞰新妝

終日凝眸簾半捲帶黃花人在小樓

夢窗乙葉絳都春余往來清華池館六年賦咏屢
以感昔傷今益不堪懷乃復作此解云春來雁渚
弄艷冶又入垂陽如許困舞瘦腰啼濕宮黃池塘
雨碧沿蒼蘚雲根路尚迴想凌波微步小樓重上
憑誰為唱舊時金縷凝佇煙蘿翠竹欠羅袖為倚
天寒日暮強醉梅邊招得花奴來尊俎東風須惹
春雲住莫把飛瓊吹去便教移取薰籠夜溫繡戶
花心動郭清華新軒云入眼清紅小玲瓏飛簷度
雲微溼繡檻展春金屋寬花誰管米凌波扶翠深
知是深多少都不放夕陽紅入待妝綴新漪漲翠
小園荷葉此去春風滿筵應時鎖蛛絲淺虛塵榻
夜雨試燈晴雪次梅趣取玳簪重盃捲簾不解招
新燕春須笑酒慳歌澀半窗掩日長困生翠睫按
郭園當即是郭清華池館惜人與地俱不可考矣

青玉案

短亭芳草長亭柳記桃葉煙江口今日江村重載酒殘
盃不到亂紅青塚滿地閒春繡翠陰曾摘梅枝嗅還
憶鞦韆玉蔥手紅索倦將春去後薔薇花落故園蝴蝶
粉薄殘香瘦

又

新腔一唱雙金斗正霜落分甘手已是紅窗人倦繡春
詞裁燭夜香溫被怕減銀壺漏吳天鴈曉雲飛後百

感情懷頓

別本作頓非

踈酒綵扇何時翻翠袖歌邊拚取醉

魂和夢化作梅邊瘦

好事近

飛露灑銀牀葉葉怨梧啼碧斲竹粉連香汗是秋來陳迹
藕絲空攬宿湖船夢濶水雲窄還繫鴛鴦不住老

紅香月白

唐多令

何處合成愁離人心上秋縱芭蕉不雨也颼颼都道晚

涼天氣好有明月倦登樓
年事夢中休花空煙水流
燕辭歸客尚淹留垂柳不縈裊帶住漫長是繫行舟

張叔夏云此詞
疎快不質實

高陽臺

落梅

宮粉雕痕仙雲墮影無人野水荒灣古石埋香金沙鎖
骨連環南樓不恨吹橫笛恨曉風千里關山半飄零庭
院黃昏月冷欄杆
壽陽宮裏愁鸞鏡問誰調玉髓暗
補香瘢細雨歸鴻孤山無限春寒離魂難倩招清興夢

縞衣解佩溪邊最愁人啼鳥晴明葉底清圓

杏花天

午重

幽懽一夢成
忝知綠暗汀孤
幾度竹西歌斷
芳塵去
寬盡經年臂縷
梅黃後
林梢更雨
小池面
啼紅怨
莫當時
明月重生處
樓上宮眉在否

風入松

聽風聽雨過清明
愁草瘞花銘
樓前綠暗分携路
一絲柳一寸柔情
料峭春寒中酒
交加曉夢啼鶯
西園日

日掃林亭依舊賞新晴黃蜂頻撲鞦韆索有當時纖手
香凝惆悵雙鴛不到幽階一夜苔生

朝中措

晚妝慵理瑞雲盤針線傍燈前燕子不歸簾捲海棠一
夜孤眠 踏青人散遺鈿滿路雨打鞦韆尚有落花寒
在綠楊未褪青綿

西江月

枝裊一痕雪在葉藏幾豆春濃玉奴最晚嫁東風來結

梨花幽夢 香力添薰羅被瘦肌猶怯冰綃綠陰青子
老溪橋羞見東隣嬌小

浪淘沙

燈火雨中船客思綿綿離亭春草又秋煙似與輕鷗盟
未了來去年年 往事一潸然莫過西園凌波杳斷綠
苔錢燕子不知春事改時立鞦韆

高陽臺

豐樂樓分
韻得如字

修竹凝妝垂楊駐馬憑闌淺畫成圖山色誰題樓前有

鴈斜書東風緊送斜陽下弄舊寒晚酒醒餘自銷凝幾
許花前頗老相如傷春不在歌樓上在燈前歌枕雨
外薰爐怕艤游船臨流可奈清臞飛紅若到西湖底攪
翠瀾總是愁魚莫重來吹盡香綿淚滿平蕪

思嘉客

迷蝶無踪曉夢沉寒香深閉小庭心欲知湖上春多少
但看樓前柳淺深愁自遣酒孤斟一簾芳景燕同吟
杏花宜帶斜陽看幾陣東風晚又陰

采桑子慢

九日

桐敲露井殘照西窗人起悵玉手曾携烏紗笈整風敲
水葉沉紅翠微雲冷鴈慵飛樓高莫上魂銷正在搖落
江蘺走馬斷橋玉臺妝榭羅帕香遺歎人老長安燈
外愁換秋衣醉把茱萸細看清淚溼芳枝重陽重處寒
花怨蝶新月東籬

三姝媚

過都城舊
居有感

湖山經醉慣漬春衫啼痕酒痕無限久客長安歎斷襟

零袂浣塵誰浣紫曲門荒泐敗井風搖青蔓對語東鄰
猶是曾巢謝堂雙燕春夢人間須斷但怪得當時夢
緣能短繡屋秦箏傍海棠偏愛夜深開宴舞歇歌沉花
未減紅顏先變竚久河橋欲向斜陽淚滿

未減紅顏先變竚久河橋欲向斜陽淚滿

詞音屬對霜杆敲寒風燈搖夢盤絲繫腕巧篆垂

簪落葉霞飄敗窗風咽風泊波驚露零秋冷

警句連呼酒上琴臺去秋興與雲平八聲甘州蕪半

捲帶黃花人在小樓聲聲恨玉奴最晚嫁東風來

結梨花幽夢西江月綠陰青子老溪橋羞見東鄰

嬌小同上月落空無影齊天樂不約舟移楊柳

岸有綠人映桃花見倦尋芳漸老芙蓉猶自帶霜

看同上

絕妙好詞箋

七

鍊網珊瑚吳文英手書詞藁古香慢自度腔夷
則商犯無射宮賦滄浪看桂云怨娥墜柳離佩
搖蕙霜訊南浦設憶橋扉倚竹袖寒日暮還聞
月中游夢飛過金風翠羽把殘雲剩水萬頃暗
熏冷廟淒苦漸浩渺凌山高處秋澹無光殘照
誰主露粟侵肌夜約羽林輕誤剪碎惜秋心更
腸斷珠塵蘇路怕重陽又催近滿城細雨
沈伯時樂府指迷云余自幼好詩壬寅秋始識
靜翁於澤濱癸卯識夢窗暇日相與倡酬率多
填詞因講論作詞之法然後知詞之作難於詩
蓋音律欲其協不協則成長短之詩下字欲其
雅不雅則近乎纏令之體用字不可太露露則
直突而失深長之味發意不可太高高則狂怪
而失柔婉之意思此則知所以為難

周公謹蓴洲漁笛譜玉漏遲題吳夢窗詞集云
老來懽意少錦鯨仙去紫簫聲香怕展金奩依

舊故人懷抱猶想烏絲醉墨驚俊語香紅圍繞
閒自笑與君共是承平年少雨窓短夢難憑足
幾番官商幾番吟嘯淚眼東風回首四橋煙草
載酒倦游處已換却花間啼鳥春悄幾天涯暮
雲殘照

張炎山中白雲聲聲慢題夢窗自度曲霜花腴
卷後云煙堤小舫雨屋深燈春衫慣染京塵舞
柳歌桃心事暗惱東鄰渾疑夜窗夢蝶到如今
猶宿花深待喚起甚江蘺搖落化作秋聲回首
曲終人遠點銷魂忍看采采芳雲潤墨空題惆
悵醉魄難醒獨憐水樓賦筆有斜陽還怕登臨
愁未了聽殘鶯啼過柳陰

翁元龍

元龍字時可號處靜娥江題咏云句章人
杜成之云時可之作如絮浮水如荷濕露紫旋流

轉似沾

非著

水龍吟

雪霽登吳山見滄閨聞城中蕭鼓聲

畫樓紅濕斜陽素妝褪出山眉翠街聲暮起塵侵鐙戶
月來舞地官柳招鶯水荇飄雁隔年春意黯梨雲散作
人間好夢瓊簫在錦屏底樂事輕隨流水暗蘭消作
花心計情絲萬軸因春織就愁羅恨綺昵枕迷香占簾
看夜落游經醉任孤山剩雪殘梅漸懶跨東風騎

西湖游覽志云吳山石龜巷內寶奎寺宋相喬行簡故第後捨為寺有理宗書見滄二字勒之崖石

兩湖塵談云吳山下寶奎事門徑幽深樹石清雅
乃宋相喬行簡故第其西偏坡陀可眺立大江一
望在目有巨石上刻見滄二字其旁款璽云御書
之寶相傳宋理宗書

風流子

聞桂花
懷西湖

天濶玉屏空輕雲弄淡墨畫秋容正涼挂半蟾酒醒窗
下露催新鴈人在山中又一片好秋花占了香換却西
風簫女夜歸帳栖青鳳鏡娥妝冷釵墜金蟲 西湖花
深窈窕庭砌曾占席地歌鐘載取斷雲歸去幾處房櫳
恨小簾燈暗粟肌消瘦薰爐煙滅珠袖玲瓏三十六宮

清夢還與誰同

醉桃源

柳

千絲風雨萬絲晴
年年長短亭
閣黃看到綠成陰
春由他送迎
鶯思重燕愁輕
如人離別情
繞湖煙冷罩波
明畫船移玉笙

謁金門

鶯樹煖弱絮欲成
芳繭流水惜花流
不遠小橋紅欲滿
原上草迷離苑
金勒晚風嘶斷
等得日長春又短
愁

深山翠淺

絳都春

秋晚海棠與
黃菊盛開

花嬌半面記蜜燭夜闌同醉深院衣袖粉香猶未經年
如年遠玉顏不趁秋容換但換却春遊同伴夢回前度
郵亭倦客又拈牋管 慵按梁州舊曲怕離柱斷絃驚
破金鴈霜被睡濃不比花前良宵短秋娘羞占東籬畔
待說與深宮幽怨恨他情淡陶郎舊緣較淺

詞旨屬對種石生雲移花帶月
詞眼愁羅恨綺

花草粹編翁處靜瑞龍吟云清明近還是遮
東風做成花信芳時一刻千金半晴半雨醉春
未準雁歸盡離字向人欲寫暗雲難認西園
憶逢迎翠紈障面花間笑隱曲徑池蓮平砌
綈曾與濯香蒲粉無奈燕幕鶯簾輕負嬌俊青
榆巷陌踴馬紅成寸十年夢鞭韁弔影戰羅塵
褪事往憑誰問畫長病酒添新恨煙冷斜陽晚
山黛遠曲曲闌干凭損柳絲萬尺半堤風緊

鄭楷

楷字持正號眉齋三山人常著文房擬制表一卷
載元人樊雪舟士寬所輯文章善戲

訴衷情

酒旗搖曳柳花天鶯語軟於綿碎綠未盈芳沼倒影蘸

鞦韆

奩玉燕套金蟬負華年試問歸期是醅醪後是

牡丹前

黃孝邁

孝邁字德父號雪舟

劉克莊後村集跋雪舟長短句云十年前曾評君
樂章老矣復觀新腔一卷賦梨花云一春花下幽
恨重重又愁晴又愁雨又愁風水仙云自側金厄
臨風一笑酒容吹盡恨東風忙去薰桃染柳不念
淡妝人冷又云驚鴻去後輕拋素鞦韆杳無音信細
看來祇怕蕊仙不肖讓梅花俊暮春云店舍無煙
闌山有月梨花滿地二十年好夢不曾圓合而今
老都休矣其清麗叔原方回不能加其綿密駿駿
秦郎和天也瘦之作

湘春夜月

近清明翠禽枝上消魂可惜一片清歌都付與黃昏欲
共柳花低訴怕柳花輕薄不解傷春念楚鄉旅宿柔情
別緒誰與溫存空樽夜泣青山不語殘月當門翠玉
樓前惟是有一波湘水搖蕩湘雲天長夢短問甚時重
見挑根這次第算人間沒箇并刀剪斷心上愁痕

水龍吟

閑情小院沉吟草深柳密簾空翠風簷夜響殘燈慵剔

寒輕怯睡店舍無煙闕山有月梨花滿地二十年好夢不
曾圓合而今老都休矣誰共題詩秉燭兩厭厭天涯
別袂柔腸一寸七分是恨三分是淚芳信不來玉蕭塵
染粉衣香退待問春怎把千紅換得一池綠

江開

開字開之
號月湖

浣溪沙

手撚花枝憶小蘋綠窗空鎖舊時春滿樓飛絮一筆塵

金匱要略卷四
素約未得雙燕語新愁還入賣花聲十分春事倩行
雲

杏花天

謝娘庭院通芳徑四無人花梢轉影幾番心事無憑準
等得青春過盡鞦韆下佳期又近算畢竟沉吟未穩
不成又是教人恨待倩楊花去問

詞旨警句不成又是教人
恨待倩楊花去問杏花天

譚宣子

宣子字明
之號在菴

謁金門

人病酒生怕日高催繡昨夜新番花樣瘦旋描雙蝶
湊閒凭繡床呵手却說春愁還又門外東風吹綻柳海
棠花厮勾

江城子

咏柳

嫩黃初染綠初描倚春嬌索春饒燕外鶯邊想見萬絲
搖便作無情終軟美天賦與眼眉腰短長亭外短長

橋駐金鑣繫蘭橈可愛風流年紀可憐宵辦得重來攀
折後煙雨暗不辭遙

花草粹編譚在菴春聲碎云津館貯輕寒脉脉
離情如水東風不管垂楊無力總兩聲煙鎖關
干外怕春燕掠紋疏鼓疊春聲碎劉郎易憔悴
況是厭厭病起花牋謾展便寫就新詞倩誰將
寄當此際渾如夢峽啼湘一寸相思意漁家傲
云深意纏綿歌宛轉橫波停恨燈前見最憶來
時門半掩春不暖梨花落盡成秋苑疊鼓收聲
帆影亂燕飛又起東風軟目力謾長心力短消
息斷青山一
點和煙遠

陳逢辰

達辰字振
祖號存熙

烏夜啼

月痕未到朱扉送郎時暗裏一汪兒淚没人知
搵不住收不聚被風吹吹作一天愁雨損花枝

西江月

楊柳雪融滯雨醅釀玉軟欺風飛英簌簌扣雕櫳殘蝶
歸來粉重 罨畫扇題塵掩繡花紗帶寒籠送春先自
費啼紅更結疎雲秋夢

樓采

采字

君亮

瑞鶴仙

凍痕銷夢草又招得春歸舊家池沼園扉掩寒峭倩誰
將花信遍傳深窈追遊趁早便裁却輕衫短帽任殘梅
飛滿溪橋和月醉眠清曉年小青絲纖手綵勝嬌鬟
賦情誰表南樓信杳江雲重鴈歸少記衝香嘶馬流紅
回岸幾度綠楊殘照想暗黃依舊東風霸陵古道

玉漏遲

絮花寒食路晴絲罥日綠陰吹霧客帽欺風愁滿畫船
煙浦綠柱鞦韆散後悵塵鎖燕簾鶯戶從間阻夢雲無
準鬢霜如許夜永繡閣藏嬌記掩扇傳歌剪燈留語
月約星期細把花須頻數彈指一襟幽恨謾空趁啼鴉
聲訴深院宇黃昏杏花微雨

法曲獻仙音

花匣么絃象奩雙陸舊日留歡情意夢到銀屏恨栽蘭

金安四庫全書
卷四
燭香篝夜闌鴛被料燕子重來地桐陰鎖窗綺倦梳
洗暈芳鈿自羞鸞鏡羅袖冷煙柳畫闌半倚淺雨壓茶
蘼指東風芳事餘幾院落黃昏怕春鶯驚笑憔悴倩柔
紅約定喚取玉簫同醉

好事近

人去玉屏閒逗曉柳絲風急簾外杏花細雨冑春紅愁
溼單衣初試麴塵羅中酒病無力應是繡牀慵困倚
鞦韆斜立

二郎神

露牀轉玉喚睡醒綠雲梳曉正倦立銀屏新寬衣帶生
怯輕寒料峭悶絕相思無人問但怨入墻陰啼鳥嗟露
屋鎖春晴風喧晝柳輕梅小人悄日長謾憶鞦韆嘻
笑悵燼冷爐薰花深鶯靜簾箔微紅醉裊帶結留詩粉
痕銷怕情遠竊香年少凝恨極盡日憑高目斷淡煙芳
草

玉樓春

東風破曉寒成陣曲鎖沉香簫語嫩鳳釵敲枕玉聲圓
羅袖拂屏金縷褪雲頭鴈影占來信歌底眉尖縈淺
暈淡煙踈柳一簾春細雨遙山千疊恨

詞旨屬對花匣么絃象套雙陸法曲獻仙音珠感
花與翠翻簾額汗粉難融袖香新竊

詞眼月
約星期

奚減

減字倬然
號秋崖

芳草

南屏
晚鐘

笑湖山紛紛歌舞花邊如夢如薰響煙驚落日長橋芳
草外客愁醒天風送遠向兩山喚醒癡雲猶自有迷林
去鳥不信黃昏銷凝油車歸後一眉新月獨印湖心
蕊宮相答處空巖虛谷應猿語香林正酣紅紫夢便市
朝有耳誰聽怪玉兔金烏不換只換愁人

董嗣果西湖百咏注云南屏山在興教寺後舊多
摩厓剝落之餘止存司馬溫公隸書家人卦米元
章書琴臺二字東坡訪僧臻詩云我識南屏金鯽
魚重來撫檻散齋餘今寺非昔比山則蒼翠自若

華胥引

中秋紫霞席上

澄空無際一幅輕綃素秋弄色剪剪天風飛飛萬里吹
淨碧遙想玉杵芒寒聽珮環無迹圓缺何心有偏向
歌席多少情懷甚年年共憐今夕蕊宮珠殿還吟飄
香秀筆隱約霓裳聲度認紫霞樓笛獨鶴歸來更無清
夢成覓

癸辛雜識賈秋壑八月八日生辰四方善頌者
以數千計悉俾翹館膳考第其甲乙四方傳誦
為之紙貴奚俾然有齊天樂云金颺吹淨人間
暑連朝弄涼新雨萬寶功成無人解得秋入天
機深處閒中自數幾心酌乾坤手斟霜露護了
山河共看元影在銀兔而今神仙正好向青空

覓個沖澹襟宇常念羣生如何便肯從我乘風
去夷猶洞府把月杼雲機教他兒女水逸山明
此情天付與

趙聞禮

聞禮字正
之號釣月

千秋歲

鶯啼晴晝南國春如繡飛絮眼凭闌袖日長花片落睡
起眉山闌無個事沉煙一縷騰金獸千里空回首兩
地厭厭瘦春去也歸來否五更樓外月雙燕門前柳人

不見鞦韆院落清明後

魚遊春水

青樓臨遠水樓上東風飛燕子玉鈎珠箔密密鎖紅闌
翠剪勝裁旂春日戲簇柳簷花元夜醉閒憶舊歡漫撩
新淚羅帕啼痕未洗愁見同心雙鳳翅長安十日輕
寒春衫未試過盡征鴻知幾許不寄蕭郎書一紙愁腸
斷也箇人知未

風入松

麴塵風雨亂春晴花重寒輕珠簾捲上還重下怕東風
吹散歌聲棋倦盃頻畫永粉香花艷清明十分無處
著閒情來覓娉婷薔薇誤罨尋春袖倩柔荑為補香痕
苦恨啼鵲驚夢何時剪燭重盟

水龍吟

水仙花

幾年埋玉藍田綠雲翠水烘春暖衣薰麝馥靱羅塵沁
凌波步淺鈿碧搔頭膩黃冰腦參差難剪乍聲沉素瑟
天風珮冷蹁躑舞霓裳遍湘浦盈盈月滿抱相思夜

寒腸斷含香有恨招魂無路瑤琴寫怨幽韻淒涼莫江
空渺數峯清遠架迎風一笑持花酌酒結南枝伴

隔浦蓮近

愁紅飛眩醉眼日淡芭蕉捲帳掩屏香潤楊花撲春雲
暖啼鳥驚夢遠芳心亂照影收奩晚 畫眉嬾微醒帶
困離情中酒相伴裙腰粉瘦怕按六么歌板簾捲層樓
探舊燕腸斷花枝和悶重撚

賀新郎

螢

池館收新雨，耿幽叢流光幾點半。侵疎戶，入夜涼風吹
不滅，冷燄微芒。暗度碎影，落仙盤，秋露漏斷。長門空照
淚袖，紗寒映竹，無心顧孤枕，掩殘燈炷。練囊不照詩
人苦，夜沉沉，拍手相親。駭兒癡女，欄外撲來羅扇小，誰
在風廊笑。語競戲，踏金釵，雙股故苑荒涼。悲舊賞，悵寒
蕪衰草，隋宮路同，燐火徧秋圃。

詞旨警句珠簾捲上還重下
怕東風吹散歌聲風入松

施岳

岳字仲山號梅川武林舊事云施梅川吳人精於律呂其卒也揚守齊為樹梅作亭薛梯魁為誌其墓李實房書周草窗題蓋塋於西湖虎頭巖下

沈義甫云梅川音律有源流故其聲無舛誤讀唐

詩多故

語雅淡

水龍吟

翠鰲湧出滄溟影橫棧壁迷煙墅樓臺對起攔杆重凭
山川自古梁苑平蕪汴堤疎柳幾番晴雨看天低四遠
江空萬里登臨處分吳楚兩岸花飛絮舞度春風滿
城簫鼓英雄暗老昏潮曉汐歸帆過櫓淮水東流塞雲

北渡夕陽西去正淒涼望極中原路杳月來南浦

清平樂

水遙花暝隔岸炊煙冷十里垂楊搖嫩影宿酒和愁都

醒

原本云此
下缺六首

解語花

雲容冱雪莫色添寒樓臺共臨眺翠叢深窅無人處數

蕊弄春猶小幽姿謾好遙相望含情一笑化解語因甚

無言心事應難表莫待牆陰暗老稱琴邊月夜笛裏

霜曉護香須早東風度咫尺畫闌瓊沼歸來夢繞歌雲
墜依然驚覺想凭時小几銀屏冷未了

蘭陵王

柳花白飛入青煙巷陌憑高處愁鎖斷橋十里東風正
無力西湖路咫尺猶阻仙源信息傷心事還似去年中
酒懨懨度寒食閒窗掩春寂但粉指留紅茸唾凝碧
歌塵不散蒙香澤念鸞孤金鏡鴈空瑤瑟芳時良夜盡
怨憶夢魂省難覓鱗鴻渺踪跡縱羅帕親題錦字誰

織絨情欲寄重城隔又流水斜照倦簫殘笛樓臺相望
對暮色恨無極

曲遊春

清明
湖上

畫舸西冷路占柳陰花影芳意如織小楫衝波度麴塵
扇底粉香簾隙岸轉斜陽隔又過盡別船簫笛傍斷橋
翠繞紅圍相對半篙晴色頃刻千山暮碧向沽酒樓
前猶繫金勒乘月歸來正梨花夜縞海棠煙幕院宇明
寒食醉乍醒一庭春寂任滿身露濕東風欲眠未得

步月

茉莉

玉宇薰風寶階明月翠叢萬點晴雪煉霜不就散廣寒
霏肩采珠蓓綠萼露滋噴銀艷小蓮冰潔花魂在纖指
嫩痕素英重結枝頭香未絕還是過中秋丹桂時節
醉鄉冷境怕翻成消歇玩芳味春焙旋熏貯濃韻水沉
頻熬堪憐處輸與夜涼睡蝶

弁陽老人原注云茉莉嶺表所產古今咏者不甚
多文公曾咏二絕句鄒道鄉亦曾題咏此篇小蓮
冰潔之句狀茉莉最佳此花四月開直至桂花時
尚有玩芳味古人用此花焙茶故云

詞旨屬對竹深水遠臺高石出香茸沾袖粉甲留
痕就船換酒隨地攀花

絕妙好詞箋卷四